

影印  
文淵閣

四庫全書

影印

文淵閣四庫全書

第一一八三冊

北京出版集團公司  
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV. ①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫田

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100012

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

# 本册目次

巽齋文集	勿齋集	附 字溪錄	孝詩	梅屋集	西塈集	北礪集
宋 歐陽守道撰……………五〇一	宋 楊至質撰……………四七三	宋 陽 枋撰……………二五三	宋 林 同撰……………二一三	宋 許 棐撰……………一八七	宋 宋伯仁撰……………一七五	宋 釋居簡撰……………一

欽定四庫全書

集部  
北碕集卷二

詳校官庶吉士臣初喬齡  
主事臣呂雲棟覆勘

總校官進士臣繆 琪  
校對官中書臣田尹衡  
謄錄監生臣沈 恕

欽定四庫全書

集部四

北碕集

別集類三宋

提要

臣等謹北碕集十卷宋釋居簡撰居簡字敬  
叟潼川王氏子嘉熙中勅住淨慈光孝寺因  
寓北碕日久故以名集其集詩文各為一編  
此則皆其所作雜文也張誠子序稱讀其文  
與宗密未知伯仲誦其詩合參寥覺範為一

欽定四庫全書

北碕集  
提要

一

人不能當也宗密即圭峯禪師裴休為書傳  
法碑者其文集唐志不著錄今亦未見傳本  
無從較其工拙第以宋代釋子而論則九僧  
以下大抵有詩而無文其集中兼有詩文者  
惟契嵩與惠洪最著契嵩鐔津集好力與儒  
者爭是非其文博而辨惠洪石門文字禪多  
宣佛理兼抒文談其文輕而秀居簡此集不  
撫拾宗門語錄而格意清拔自無蔬筍之氣

位置于二人之間亦未遽為蜂腰矣乾隆四

十三年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

北碕集  
提要

北碕集原序

慶元初予始入太學於時偽學之禁嚴臺官胡紘司業  
高文虎表裏為爪牙搏噬無虛日學校諸生語言小異  
輒坐偽罪不以聽予浮沉其間日以短氣過休沐率一  
游南北山得士於北碕相羊林泉吟弄風月足以消遣  
世慮然予學乎泗水北碕學乎靈山予固不以及彼彼  
亦不予及也居數年北碕出天台為導師而予更憂患  
庶兵間自荆楚浮江漢以歸至東海上則南北山無復  
相誰何矣予時以特薦補官不受擢第太常寓輦轅下  
北碕以赤書相勞苦寄新詩啟予出語益峻偉予既歸  
江西與盱江刺史言北碕於今為偉士刺史走書邀北  
碕以唐僧紹隆所開山處之北碕高卧不肯起既而江  
東部使者以東林雲居力致之亦復不肯起今年予歸  
自嶺表北碕游華亭知予入長安駕小舟看予於清河  
坊客舍握手道契閱十有三年如一日也讀其文宗密  
未知其伯仲誦其詩合參寥覺範為一人不能當也雖

欽定四庫全書

北碕集  
原序

然北澗無學之宗也文於何有見之文者似焉而已矣  
北澗於人不苟合合亦不苟睨取舍去就之際潔如也  
其名居簡其字敬叟其生潼川寓北澗之日久故人不  
名字之稱北澗云嘉定丁丑十月望日盱江張自明誠  
子叙

欽定四庫全書

北澗集  
原序

二

欽定四庫全書

北澗集卷一

宋 釋居簡 撰

石賦 飛來天竺 講徒聚  
石作供為之賦

石奇而怪兮有惜不惜石眠人兮猶人眠石夫二三子  
悠然會心攀高陟遐隱搜細尋捫蘿鳥輕翮雲景沉俯  
闕嵌嵌側行峯益磅礴巖阿裴回澗陰洗濯雨蝕摩挲  
解侵獸駭始蹲鸞回欲升介如其質錯乎其音如考琮

欽定四庫全書

北澗集  
卷一

一

璜如憂球琳如獲大貝如致南金室通兮其何能及石  
遠兮輦無備直屹如林兮若拱而揖百夫睨兮無用其  
力若夫坡陀兮盤峭峙兮桓王佐才可就而不可致權  
奇兮巧玲瓏兮小市廛隱可致而不可弔俯踈簷而巍  
棟挂綺䟽而環植立中不倚稟姿淡如却步欲前偃僕  
反趨匪卑媠尊匪親簡䟽匪璞貴雕匪瘠貴腴蔭之以  
綠蕉密葉之涼友之以青琅方寸之虛澤之以金莖沆  
瀣之清鏘之以石鼓斷缺之餘堅不可鏘頑可澤與將

為魯叟之堅乎抑為瞽叟之頑乎或曰是石也皆有飛  
來之一體始焉飛來終將飛去固蕩誕漫詒兮不可復  
據夜半有力者負之而趨吾恐昧者不知兮防之不預  
因作而言曰小子識之庶乎一得兮有補于慮

### 水仙十客賦

子墨遇毛穎於玄泓謂凌波仙子曰穎也情與幻俱思  
與化侔爾能壞色衣乎瑤叢瓊墀意象倜奇玉臺金甌  
精爽發輝既寫真以寵而乃觸類而友之丹兮馬加鉛

欽定四庫全書

北湖集  
卷一

三

兮馬施山黛弗掃額黃奚為妙象態於一縑革殊轍而  
同歸感意足於色盡歎朝榮而夕萎仙曰既聞命矣凡  
物之生豈不曰友有杖之杜亦孔之醜梅兄在前蓉弟  
居后蠟英騰護凡黨之秀寄林處羣無人自芳並驅爭  
先瑞香國香是皆臭味之偶較等夷於兩忘我有橫榻  
縣之北窗楚英不來餘烏足當起而此之曰花中隱者  
兮與秋澄霽故家東籬兮翦金繁碎宿莽兮必芬蒼空兮  
拔乎萃雖卧樓百尺可也豈持上下床之間哉英避席

而作曰走不佞請言志簞之揚之秕糠是懲為天下先  
曩書諸紳海棠豔春山茶駐春桃源霞蒸李溪夜明族  
大衆富草木知名其可為吾下乎仙憮然曰吾非不顧  
交也以色媚人寡德也英曰子何見之晚也可以攻玉  
它山之石也不賢則人將拒我若之何而拒人也仙乃  
曰唯莫敢不承延之上座死母敗盟相索於形骸之外  
兮相忘於寂寞之濱

### 死灰賦

欽定四庫全書

北湖集  
卷一

三

已矣夫斯其已焉矣積之何益宿之何悶擁之弗煖任  
之則已撥之則尚何俟既掩之息棄之則孰有是無用  
之地始或病其燎原終敢忘於祀帝星之沉螢之翳却  
燧人謝司燬非石中擊非鏡中起非海中光非木中燧  
雖千炬之連綿與一龕之明偉眇不得其所位又安知  
其所止初疑陳編斷而發是殘照又疑疎襟虛而聚此  
冷蕊聲自一傳煥乎百世惟取之者深則用之者秘豈  
顯晦之不常固行藏之所係必遺魄而潛影則輝天而



鑑地翳妄異於復然粵西京之內史雖再振於餘美已見溺於獄吏逮辱極而榮來亦背芒而穎泚矧漆園之老仙傲楚聘而高眈槁形骸與方寸投綸竿於濮水寧惡富而賀貧寧去此而就彼將貪得而徇財抑舍生而取義將豐儉之衣繡抑靈龜之曳尾孰若搏扶搖跨鵬背翱翔乎九萬里拾齊物之餘論續齋心之微旨寓兔穎於遠思作蠅頭之細字搜精爽於空濛使飛廉而馳寄興而歌之曰盍歸乎來兮吾其為逍遙之遊自無何

欽定四庫全書

北湖集

四

有兮奮於廣漠之野而烏有之林丘

### 齋室賦

向斯塞戶斯墜甫容膝僅休影雖晴而陰不夜而暝進則面牆退則坐井柱忽不支壁忽就殞豁然而虛漠然而罔如蒙之擊如震而警識天地之大全見造物之遐隱畫草木之態度極川原之畦畛萬緒紛紜一瞬而領沙平露背山層透頂高木呈枿孤塔出穎風煙慘舒化變俄頃如無盡藏如大明鏡前山送青若壯士之排闥

後山回闔擬良工之御駿撫鴻鵠而晚眺入冥冥而遠

引笑雲煙之輕去漫悠悠而無定駐落日於西崦延初蟾於東嶺皆是中所得也於是因陋而飾就隘而整力不足侈志不足騁儉適茅茨靜愜幽屏自抱窮獨自負不敏信吾樂吾樂也或曰蕩蕩四海茫茫九區結客締交春生吹噓木李木瓜利蕪芑苴志之所之稱其所如今也跼促如棘下駒所樂只爾將胡為乎吾為子不取也則語之曰履仁正途蹈義廣居仁義而已安知其餘

欽定四庫全書

北湖集

五

惟正則廣安知其拘一簞之陋同躬稼之瘠哲千駟之富媿米薇之瘠瘵我則謹終執之如初我則守約執之如愚客則貌敬其心揶揄反復之而不聽則謂之曰子去矣子非吾徒

### 食力賦

或訝余游兮廣居大興墮兮豐饗華裾殆不知吾不素食也宏吾說而反諸凡吾有兮四民樂輸入吾籍兮縣官索租不耕則荒不植則蕪不則蠶食且獵且漁屢空

不顧坐觀其通路而後已不其晚乎今也反是安知其  
餘勞心治人勞力自劬墾闢田萊罅漏補苴先事者鋪  
怠則削除僅支兮目前旁搜兮古初無愧兮自求屬饜  
兮自愉大人先生可扳援兮竒字是咨窮老惇獨相煦  
濡兮間情是娛粟吾粟兮瓦孟樂吾樂兮道腴苟不吾  
以兮縱其所如亂曰力可強而有也智不可飾兮既盡瘁  
也我心適兮雖百紛兮我心匪石兮

問景賦

欽定四庫全書

北朝集  
卷一

六

謬我晝與衆作夜獨短繫顧景而問焉景乎何闖闖於  
此其久也止同廬行同途偃同俯伸同舒不戚吾戚不  
愉吾愉不巧吾拙不智吾愚不礙吾頑不充吾虛豈所  
謂危而不持顛而不扶而累人者邪景曰爾何見之晚  
也我生之初豈父母且爾之未生我何有乎我非累人  
爾誠累余反以我為累也如之何而勿思爾特立兮示  
爾至正俾爾正焉是守爾不倚兮示以大中俾爾中焉  
是居爾競爾躁我固自若爾靜爾勝我方澹如將極玄

窈兮我必爾俱抑臨崇臺兮我亦爾俱顛沛造次未始  
不爾俱也胡喋喋而問歟言既而寐夢游濮水授我息  
陰楚漆園吏寤而反思爰得其旨極景所如罔知攸止

香魚賦

海賈得水沉之木於絕嶠巨口細鱗厥狀惟肖矯首欲  
驤揚鬐欲掉腹背逾尺首尾倍尋渾然天成不刊不鍛  
將市於通都大邑則燔灼剝剔秘而藏諸則匹夫懷璧  
與其市而藏之孰若實諸八吉祥六殊勝枕玉几供佛

欽定四庫全書

北朝集  
卷一

七

頂此念既作鯨波砥平天風飽帆悠然至鄞嗟物之生  
豈不願才臃腫自全不鳴者灾才不才亦各繫其運也  
方其窮髮之北落落盤踞排震風傲凌雨不知其幾千  
百年婆娑垂陰終其天賦蠹根反初槁榦速腐所不為  
速腐之伍者嶄然鱗鱗郁然圍圍一遇賞鑑遂奮於遐  
陬窮荒卒臻禮樂文物之土向也不過曷以至此雖然  
缺鑠銀鏘鱗鬣振迅殆與獄戶之劔雷澤之梭跨騰風  
雷變化而去

夢賦

曉世以夢謂其頃刻變滅了不足恃邯鄲一炊槐官半  
 世栩栩齟齬冀所妄冀鳥跡空雲既寤猶寐然則至人  
 曷常無夢與其夢也舒舒其覺也遠遠得傳說游華胥  
 錫九齡奠兩楹所存者誠所兆者神惟道人鈿夢尋幽  
 潛上東山上瘞老龍象出數百言辯如湧泉覺而繹思  
 了無子遺致書於予曰吾夢為東山瘞骨語覺而眈之  
 宛然畫像譜子盍為我辯之使反命曰子真夢為東山  
 欽定四庫全書 北朝集 卷一

瘞骨語覺而為之譜豈緣名失實以夢為覺與語真是  
 譜而得之於瘞骨豈責實於名以覺為夢與抑兩忘夢  
 覺而適意與將一致名實而忘言與詎知子之夢為東  
 山而東山之夢為子與不然說此夢者不知為誰而原  
 此夢者亦復不知其為誰與昔人夢鹿鄭相輒疑曰無  
 黃帝與孔仲尼苟能辨之果辨者誰殆不足以語此理  
 之所在十日麗天物無遊形人自眈然論以日明竟沒  
 沒焉彼有目者不言而喻蓋不待黃帝孔子而能辨作

夢賦

幽情賦 和于 君實

隱約兮窮執德兮洪蓄奮在經水早在躬揮毫落紙兮  
 十吏敏供滑稽怪奇兮解嘲送窮思遠兮雲莫掉鞅兮  
 誰馭貂裘兮塵侵大笑兮出門去付萬言於杯水蛇豕  
 虞於讀誤勇一歸於半生問征夫以前路駕言入郭官  
 舡載書出無者車長鬚者奴委羽黎明中津日晡稚子  
 牽裾野人挽鬚方寒温兮未既倒囊錦兮畜儲弔冰玉  
 欽定四庫全書 北朝集 卷一

兮貞姿撫莓苔兮槁膚國香薦芳不為無人凌波弗來  
 淡交竹君俗駕可回姑射可賓結商鼎之佳實待方山  
 之怪民擬奏賦於蓬萊載擷英於典墳補既往之缺遺  
 尊平生之所聞攬萬象以冥搜濯煩促於秋旻晒富貴  
 兮不義毋憂貧而質貧

種竹賦

二姓爭竹山竭產不肯已仙居丞王君擇來囑  
 余諷之作賦示二姓而訟止

自余耕稼於委羽之西頗復精於藝樹瘠瘦竹之雲仍  
著清飈於窻戶叟過余而問曰子習吾土竹才不才豈  
願聞之與鰻尾之細猫頭之巨桃絲下考江南別緒石  
如早晚之笙蕩異青黃之苦磅礮萬山之麓綿亘千溪  
之滸大則乘桴浮海小則惟筐及筥驅水則頃刻百畦  
挂椽則裴回百堵橫濤瀾而為危代垣墻而樊圃既制  
戕而紉布復為薪而充炬雖刀斧之不赦豐貨資於善  
賈凡子所植咸出其下或斑而跼或紫而偃從然而橫

欽定四庫全書

北湖集

十一

直然而豎待價不售待用無取既蕃而滋於事何補余  
曰叟之所陳匪利矣務嗜利者矯虔於隣里爭畔者陸  
梁於道路養睚眦以成俗觸憲章而垂度吾與之淡交  
者也天下之竹皆樂為吾疏煩而滌慮一日無之萬鍾  
不顧未嘗擇而居焉蓋不謀而同也若夫濟深涉相窳  
步騰荒陂釣煙渚未嘗不與之俱也濯炎熇忍寒苦留  
天風伴月露未嘗不與之處也睡足巡簷踈莖玉立莫  
不仰夷齊於首陽拔十丈之俗針起息陰密影金碎又

若輩游夏於泗濱踵多儒之武倚哀殘冀其生抱節之  
孫撫幼稚欲其肖遺清之祖利動貪夫擻夷畢舉地忽  
異姓俯仰百主膾難助者何限得蠅頭之幾許抑千畝  
之就荒將九芑之失據始竭澤而不戒終反裘而未喻  
繫叟之感滋甚與吾之言齟齬載啗嗜而往復愈僂僂  
而普督耶抗手而語之曰我勅欲眠叟姑且去

### 梅屏賦

北山鮑家田尼菴梅屏傾京都高宗燕殊宮嘗

欽定四庫全書

北湖集

十一

### 令侍詔院園進

屏梅於閒暇之際固足以當一面之託况夫花時不數  
孔雀之金塞門之樹兮城南悠然蓓蕾露零專腴酥乾  
玉顏可扶雪妍可編又若堵立十丈於蓬萊千仞之巔  
北枝奔而不殿南枝徐而不先執不顧斜入屋簷橫蘸  
清漣殆將小抑高韻兮從其權也雖屈折而拂性終秀  
整而全天蓋智巧所自出愈出愈奇兮麗澤乎芳鮮豈  
吳官小隊艷冶於長蛇偃月兮與之比肩哉雖然物貴

守常失常則舛反常合道何患乎反牛可貫而任重馬  
可絡而致遠水沛然而東之決之西而弗轉又何以異  
夫結婆娑而亭亭直遠廬之南紫淪乳雲之甘兮駕清  
風於玉川倚紈素之潔兮障順風之庾塵使浪蕊浮花  
知夫大邦維翰兮公侯干城吾將取古今騷人墨客盡  
疏錄其姓名首之以石心鐵腸繼之以孤山逸民俾登  
是選者不啻拔山之與籟雲寄風雅於晚生發先覺之  
典型廣平之貂兮不可復續暗香浮動兮尚堪掬英是

欽定四庫全書

北湖集

十一

舉也得非東家捧心兮效顰於西家者耶

釋賦

黃巖之西竹樹之利埒禾稼富民積倉不競縣

南新陳相望據廩增直要突不黔者不仁哉富

賈也作釋賦

北澗違介問糴於接壤之多稼者夕陽在山徒手而歸  
惘然如瘠長嗟而歛撫而勞之曰吾遲若之歸也與若  
解腰而共飯何遲遲其來乎介怫然曰東方既明草露

未晞請命於邁往扣富兒自卵及申庾不及闔守者瞋  
目畧不見治懷魯將軍指廩若遺嗟今之人彼何人斯  
計其耕也幾敵觶之扶犁幾桔槔之灌畦其穫也回江  
潮之駿奔卷天雲之暮低其斂也渺然基晉之山條然  
橫浦之坻其入也豈斗筲之足莫汗牛馬之載馳介也  
淺中卒駭且疑乃歌而喻之曰起予者誰兮必斯人者  
考古驗今兮吁嗟里社長日難西兮生民不暇甦什麥姜  
兮大田如楮粟方堅壁攻之不下阿瞞小斛洛陽高賈

欽定四庫全書

北湖集

十一

秦漢不威唐虞不化文具之文牆書壁挂若夫貪夫徇  
財烈士徇名矯矯虎臣藐萬虎賁魯英周豪目擊道存  
既慷慨而內交豈瑣屑之足論漢鼎未分鬻孫高眡周  
不引類而東鄉誰及帝王之畧荊州倒屣孔明借助魯  
不交言而逆擊誰空赤壁之戰生有斷金之利死有絕  
絃之嘆鴻鵠之志非燕雀之知虎豹之文豈犬羊之變  
繫椽粟之四三擬擣蒲之百萬世愈下而愈紛鼓之者  
誰兮吾得之於黃耆鮑背之所云謂龍斷之賤夫每朝

隋而莫登幸飢歲之相仍偶新穀之未升乘顏氏之屢  
空肆盜蹠之不仁弗思殆辱奮其并吞暝未曉交家如  
土崩可以懲矣然猶不肯悟截脂其車言秣其馬於覆  
轍中星言夙駕雖爭馳而並驅可拱立而俟也

### 糴賦

予既作糴賦鄰氏之好義者曰某庶直以沮某  
氏增直之告復作糴賦而申之

謀富而忍其惟糴乎糴亦吾之義也不義而富果為祥

欽定四庫全書

北朝集  
卷一

十四

乎富亦我所欲也儋石無儲大田未稼食難圖續鄰不  
可惜帖敢忘於乞米色幸憐於欲炙賑或謀於移粟均  
豈殊於宰社如涸鱗之垂盡遇西江之沛瀉昧者反是  
悠然待賈控臨嶮塞暴殘鰥寡扼其吭而拊背頰其元  
而出勝鉅橋紅陳獨夫叱咤割惟雋永眠若土苴凡啼  
飢號凍者皆起死以歸仁而執銳披堅者咸賈餘於更化  
或開八百之基或貽萬世之罵吾於是乎知粟愚商辛  
也奪其飽兮以恢遠圖民不附兮吾誰與輔錨銖聚歛

兮縱操特殊豈在周則智兮在商則愚秦皇極奢漢武  
窮侈漢亦幾殆秦訖二世至道之本起於貧富之相支  
一闕之市必立之平八口之家可以無飢方今盛明革  
秦漢非爾吐云胡普若不知蓄而能輸是謂善積虜方  
守錢雖積奚益器滿則覆獸窮則迫彼乃疾眈我方燕  
佚恐季孫之憂不在頡臾則舟中之人盡為敵國自速  
楚人之炬不戒匹夫之璧惟賢者而後樂此庶幾乎不  
俟終日

欽定四庫全書

北朝集  
卷一

十五

### 竹齋賦

君富於蜀漢中拔萃洋川之濱霧擁煙蔽滄灣嵌竇殘  
沙騰水平原萬井沃野千里其類實繁既昌而熾胸中  
千畝坡戲之耳斷黃之產伯仲叔季陶瓦是代不才者棄  
竹樓文章簡古新麗湘江雨餘籜龍養雜為筏為桴可  
稼可蔬船步漁梁雁戶水居汲湘然枯歎乃清婉於柳  
柳州一唱三嘆乃今勅游委羽買隣荒岡倚倚崇山嶙  
嶙蒼蒼含煙矗矗連雲農事方隙揮斧運斤萬山答響

千筏銜尾蔽溪入江送江入海巨賈萬艘運入諸國蓋  
不知其幾也惜無品題以配三子乃今賦之刷此君恥  
嗟嗟竹齋植無寸地盆盎之間筵尊而已鮮風徐來大  
火方熾金流石鎔背汗頰泚望屠門嚼乃難助爾繫子  
所樂固余所鄙竹齋主人驟然而作曰吾聞外物者容  
膝之隘甚於廣宇不則寬曠擬動輒拘尺土寸金中都  
吾廬一屈一信倏榮倏枯稟姿虛心歲寒燕如吾梢止  
簷清則厭餘彼笋當道屢干剪屠縱懷是中馳神物初

欽定四庫全庫

北湖集  
卷一

七

心交也親迹求也踈鄉子所陳各天一隅今子所有不  
傍子居豈不爾思子居所無吾於是泯而默噤而嚅四  
顧而躊躇豈變伶蛇蛇伶風而不自反與吾其風乎吾  
其風乎

碧幢賦

祇樹函丈之制肖臨邛之四壁藐然容膝之餘地渺一  
鉏之隙簷楹蓄翳竹篠蒙冪坳垣四繞盧橘孤實非廬  
而穹非蓋而仄可以休影可以息迹團團然童童然命

之曰碧幢直曠欲牖旁虛欲窗颺颺怒號屋頭秋江弔楠  
樹之既摧嗟杖社之不雙霖收宿梅溽散初日締技小  
奏篋勲試策吟酣而嘯喧止而寂益者四友坐者五石  
四友之外自撫其一方其風甌自錡霧蟾自呵間雲自  
留好鳥自歌古恨如海古愁翻波萬化可搜萬象可羅  
余則散生蕉衿搔短髮顛怒然如瘖冷然欲仙乃命丈  
人鈎玄既磨既研楮生不約卷舒在前生不事邊幅展  
盡底蘊潔而直方靜以俟穎穎探玄津分命馳騁聲吾

欽定四庫全庫

北湖集  
卷一

十七

胸中所無者欲其清露莖泠泠欲其古玉軫玲瓏富麗  
則金谷始繁豪壯則秋潮未平語其雄健則駮耳不調  
鯨鵬勇鬪語其冲澹則南山種豆柳州種柳至於典雅  
竒逸軒豁鎮密精贍深秀平漫湍激正而葩腴而瘠千  
彙萬狀各稱其挑剔微四友輔相裁成也庸須更其間  
哉於是軒碧苔之波米北山之薇些而落之又從而歌  
之歌曰幢兮枇杷菴兮桃柳惟殼與滅俱亡其羊又何  
以異夫迹相踈心相忘者耶

弔駐春賦

山茶雪中著花萎於首夏取張右史老紅駐春  
粧名之曰駐春作弔駐春云

余自孤山南巖止宣之丁山春用季瑄月行實團茶形  
而葩倚檻可扳低回欲言羞澁靦顏殷肌兮淒黯丹臉  
兮消滅密幄兮紛披羽葆兮摧斬有蕩者都言采其英  
有游者姝言寒其紫壓帽簷厭鬢唇舞天香點文茵殆  
不免夫豪虐之手盡瘁而不得制也方其猩染玲瓏犀

欽定四庫全書

北  
欄  
集

六

剪龍葱酣酣絳明童童綠濃謫仙不來况復謝公禿落  
落兮空濛疇孰予兮為容翳封植兮眇林自陶寫兮華  
風欲鉏其色式遂厥性愛莫助之不曰同姓爛石寸芽  
詩人薦嘉屑薜碾茶碎圭破觚味與諫屐甘與齋兼方  
物兮職育寐睫兮痒痠高制作兮品評昌蔡錄兮陸經  
配萬錢兮析醒雖百紛兮曷顰嗟艷冶兮是矜若青黃  
之自迳將苦醜以迎人抑擁腫而引齡矧匪德兮翹晶  
焉所如今全生

欽定四庫全書

北  
欄  
集

九

北  
欄  
集  
卷  
一



欽定四庫全書

北磻集卷二

宋 釋居簡 撰

止止閣辭

歛其羊角海立兮山錯粵寂然土囊鏡淨兮一漚弗作  
方寸兮淵淵不風兮自湍溺馬兮殺人襄陵兮懷山息  
風兮水如砥息機兮心如水歌吉祥兮安時夷猶彷徨  
兮奚以為

欽定四庫全書

北磻集  
卷二

紫芝詞 并引

安僖諸孫希祗卜母宅兆得芝四莖叶其吉其  
友北磻某為之詞

石兮瓊木兮椿飛兮鳳走兮麟草兮芝配是四靈絕類  
兮離倫拔萃兮茁英不時兮自解不植兮自萌軟濕兮  
紫潤麗澤兮芳新食秀兮春滋挹粹兮露零太和兮藹  
藹至潔兮津津山雲兮溶溶溪水兮泠泠華風兮致祥  
霽月兮薦清馬鬣未封兮玄堂未扃發之者天兮感之

者人

姚山僧舍怪梅詞

有楚者梅根於墻陰寒梢過墻當池之心池水不渾比  
梅德尊維德之清請與水論水謂梅兄既清且奇亦復  
怪古歲寒不移古則背俗怪則違眾彼眾與俗邈不汝  
共兄曰不然賦形大鈞有萬不齊粵維鈞成伊予所賦  
絕不諧俗俗晚盡白以白自淑水泣訴兄兄謹勿言我  
維漣漪乃行潦怨盍同箋天俾遂厥性反爾怪古及我

欽定四庫全書

北磻集  
卷二

澄瑩兄謝漣漪爾母蔓辭天涯汝諧遂及我私

杭州鹽官縣開福寺圓滿閣記

淳熙十五年十一月二十九日杭之鹽官開福寺圓滿  
閣成橫陳半空俯瞰百尺莊嚴像設如紫金山廣博宏  
麗如白銀闕檐楹飛動闌楯衝直意匠出巧如經所說  
嘉定庚午冬予再至是樓閣門開入已還閉見所未見  
恍如夢居內宮聆四辯之音又若池涌浮圖瞻滿月之  
好莫不心死意消平生狹陋之地蕩然無復畦畛更上